山庫全幸

史部

文了日本~~ 洪武二年正月戊申定學士承吉正三品學士從三品 欽定四庫全書 國初己已年五月已亥設翰林學士正三品侍講與 正四品直學士正五品修撰典簿正七品編修正 殿閣詞林記卷十 官制 士正四品侍讀學士從四品直學士正五品 典 殿問詞林記 明 黄 廖道南 撰 品

學士二人孔目一人屬官侍講二人侍讀二人五經博 正 編修四人檢討四人革承古直學士待制應奉檢閱典 簿正七品待制從五品修撰正六品應奉正七品編修 士五人典籍二人侍書二人待詔二人史官修撰三 癸未改正五品衙門該學士一人侍講學士二人侍讀 四品十三年八月已夘増設檢閱從九品十四年五月 承古與六部尚書俱正三品學士從三品侍講學士從 八品典籍從八品九年閏九月癸已記定百官品級

文定四車全書 設大學士各一人俱正五品班在本院學士上其後簡 四人從七品又定華盖殿武英殿文華殿文淵閣東閣 從九品史官修撰三人從六品編修四人正七品檢討 未入流屬官侍請侍講各二人正六品五經博士五人 侍讀學士侍講學士各二人從五品首領官孔目一 用聖吉自上裁官無定負而侍讀先侍講則始於此革 八品典籍二人從八品侍書二人正九品待詔六人 八年三月丁丑命吏部定正官學士一人正五品 3 殿開詞林記

制即洪武十八年所定者也尋命編修等官於文淵閣 典籍創置典簿廳而革中書舍人改為侍書以隸翰林 上改侍讀學士侍講學士俱為文學博士設文翰文史 除年間更易官制仍設正官學士承古一負在學士之 麥預幾務謂之內閣漸陞至學士及詹事府諸職洪熙 其侍書陞七品文史館以居修撰編修檢閱改孔目為 二館文翰館以居侍讀侍講侍書五經博士典籍待詔 又增設文淵閣待品及拾遺補闕等官永樂初皆復舊

掌院事仍設孔目一人若修撰等官或因事始添設馬 火芝四車至 与 學之遇有負缺從內閣推舉其後侍講以上官皆得往 留都者為南京翰林院其南京翰林院止設學士一負 京為京師逐革行在之稱既建今衙門逐以舊署之在 閣者雖登穹秩凡殿事公移止禰翰林院馬永樂七年 以順天府為北京本院扈從者稱行在翰林院後定北 士大學士自後因之或止以侍讀等官入預閣事其入 元年以輔導任重加**陞至師保及尚書侍郎卿仍**魚學 殿問詞林記

授承直即陞授承德即修撰從六品初授承務郎 回 修正庶尹侍讀學士侍講學士從五品初授奉訓 **一世授奉直大夫勲曰協正庶尹侍讀侍講正六品初** 列衛學士正五品初授奉議大夫附授奉政大夫 官街 卷十 **陞授**

七品初授從仕郎陸授徵事郎五經博士正八品初授

即燈授修職即典簿從

八品初授迪功佐即陞

儒林郎編修正七品初授承事即陞授文林郎檢討從

學士之職儿替闡皇猷敷数人文論思獻納修纂制語 ころの 日 日 こと 從九品初授將住佐郎陞授登住佐郎凡給授之 也岩以他職無本院官則否 凡書公繁于職名之下者以所職乃宸翰國史示有尊 級為次序惟纂修及進呈書籍試録等始書散官熟階 院行吏部該司開報奏聞每儉押奏啓止書職名以品 職佐郎侍書正九品初授將仕即燈授登仕即待詔 職掌 段間河休记

金グロムノ 六書之法凡遇上書則侍左右以備考訂點畫音聲待 士凡遇左右侍其職亦如之五經博士之職掌易者 簿之職掌四庫書籍守為鑰以伺明命侍書之職明習 鶴林講完經史亦如之侍讀侍講視侍讀學士侍講學 人掌書者一人掌詩者一人掌春秋者一人掌禮記者 則侍左右以備顧問帥其屬以從侍講學士之職凡遇 書翰等事無所不掌侍讀學士之職凡遇上習讀經史 人人各專門明經同異得失完其指歸以備講讀典 卷十一

章議論可以決疑定策論道經邦者始可以處之故洪 知自重若遽謂官雖有異名其實無異職認認馬而有 武永樂宣徳間雖待詔孔目不輕投人凡居是職者咸 儒學之臣軍必如所謂明仁義禮樂通今古亂治文 籍書之事勇自吴元年置本院以來官不必備惟侍從 如之史官之職修撰掌撰述編修掌纂輯檢討掌檢閱 **站之職儿遇上宣問文議以備呼召編摩騰寫等事亦** 凡史事仰專掌馬孔目以首領為職掌言語超走會計

掌以詔王盖史官公論之所出爵禄廢置殺生子奪之 及孤师大夫則策命之丘濟曰八柄語於冢军內史復 亦此意與然則聖祖命官之意正與成周姫隆非徒遠 柄有所不公直以筆之吴徴謂內史為翰林之職盖以 院者當考周官掌王之八柄之法以詔王治凡命諸侯 然謂之史乃掌文書贅治之名令制併史館於翰林其 出位之圖殊失所以肇建官之意也若乃國史不別置 其命諸侯公卿大夫則策命之猶命學士之草制語也

一致灾四库全書

巻十一はおる

洪武初建大本堂延名儒以教储極與藩王此東官輔 過唐宋而已 詹事

人名马取人名司 一天

讀洪武三年十二月禮部尚書陶凱請選人專任儲官

殿問詞林記

舊大臣無之不別設府僚又改賛善為賛善大夫設賛

諭徳賛善文學中舍正字侍正沈馬庶子等官旨以勲

左右詹事詹事丞左右率府使副使同知左右率府事

道之始也後乃設輔導官屬有同知詹事院事副詹事

坊又設司經局二十三年置詹事院以統屬之二十四 十四年三月丁未設左右司直郎十五年設左右二春 年七月丁未改院為府定設詹事一人正三品少詹事 官屬罷無領之職底於輔導有所責成於是諭以父子 事舍人二人從九品改錄事亦為從九品其堂上官與一 録事二人正九品二十九年十一月壬戌増設屬官通 二人正四品丞二人正六品首領官主簿一人從七品 體君臣一心之意遂止十年置通事司設司令司丞

三人のり こんこう 事主簿等勾稽録事傅遞云 子之家詹事之職於內外衆務無所不掌少詹事則貳 本院官互無職事而凡講讀祭修考試等官時與本院 洪武初置春坊以為儲官輔導侍從之臣官無定負至 同坊局雖各有印然事則詹事府統之南京詹事府今 之丞則掌文書以赞之通事舍人掌通謁寫替禁今之 不設官止設主簿一負盖詹之為義省也給也省給太 殿門詞林記

學士一人正五品左庶子一人正五品左諭徳一人從 亦與本院互無職事盖二坊之設猶館閣也大學士綜 坊清紀即一人從八品左司諫二人從九品右春坊同 俱從六品右春坊同二十九年十一月壬戌增設左春 十五年四月丙申更定春坊為左右春坊置左春坊大 勘學輔徳文翰記註之事庶子掌官中并諸藩之過子 及支庶版籍行則負璽護駕拜則左右扶掖之諭德堂 五品左中允二人正六品左赞善二人左司直郎二人

九品其餘職官禄各有差洪武禄增多於唐宜從裁 唐制言太子司經局洗馬從五品校書正九品正字從 侍從賛諭中允掌侍從禮儀較正啓奏并監樂理刑賛 善掌侍從翊養司直掌彈劾繩糾皆漢唐以來舊制清 人正字二人二十三年六月命定司經局官制禮部方 洪武十五年四月丙中置司經局設洗馬二人校書二 紀掌伺察司諫掌諫諍過失其設也自我洪武朝始 司經

及定四車至有 图

展開詞林記

掌雙校經籍正字掌刊正文字與本院互無職事正字 或中書科無之 也遇東駕出則前驅導威儀也掌圖籍經史之事校書 詔正字洗馬而下官秩依唐制其俸禄則從時制二十 國初百官除授各有語物循宋制也吴元年授翰林侍 局自南梁其後陷改司經局唐為桂坊洗馬之洗言先 四年七月丁未定司經局官品秩俱仍其舊按典置經 制誥

立學士以冠儒英重道尊賢莫先於爾是用權居有密 善其群命基圖以大國家以安又曰開翰苑以崇文治 心之臣尊戴匡輔用能張其紀綱植其表儀正其名位 泰有資翊赘之功雲漢昭回共致文明之治洪武元年 侍講形聞鳳池虽掌于絲綸麟史仍然于筆削地天交 講學士宋漁制有曰備顧問於內廷然密命於翰苑又 正月庚子授翰林學士陶安誥有曰國家之立必有 曰議禮作樂郊廟所資修已及人國家所尚擢登玉署

次一日車へこう

殿問詞林記

院亦惟以言語文字為職未見其為國家輕重也宋元 林之名昉於楊雄所為賦學士出禮凡學世子及學士 我皇猷綜理人文以臻至治其眷注隆重如此當及翰 ノニアノト 所綜馬觀諸語命詞有足徵矣又按永樂末仁宗即位 之論道經邦碩輔由此其選而政之極要史之權衡皆 **俾職論思兹特賜以寵車用昭國典尚其勤於獻納賛** 因之至我朝倚任益重凡議禮制度考文大柄一以 **必時唐人始以命官所謂待詔供奉北門學士與學士** 付

家走四事全書 今常以古人為法吾皇上下之交真若元首服肱相須 曰聖德能客臣等敢不勉昔富獨有言願不以同異為 從違而或怠顧士奇等曰此實朕心即其勉之士奇對 而成是又萬世聖子神孫所當麼也 喜怒不以喜怒為用舍成湯改過不吝所以為聖人願 呈乃親取筆重增二語曰勿謂崇髙而難入勿以有所 大學士楊士奇等進座少保本院以士奇等所受語進 御箴 殿問詞林記

薄是戒謀議所屬出悲于外心存大公問投于私昔人 啓沃之言惟義與仁堯舜之道鄉孟以陳詞尚典實浮 之用光厥職各爾儒臣朝夕左右必端乃志必慎乃守 有司言自周則然後世嚴用愈容而重策命所出講學 宣宗章皇帝宣徳七年六月親製翰林院箴其文曰廷 所資機務之嚴于度于洛代有賢哲博聞明識克勵異 **戰大哉編言表彰萬世守官者所敬遵也令揭于院之** 四禁汝惟屬之獻納論思以匡以益以匹前休欽哉無

後堂朱髹漆榜字用金塗之 公署為聽事而設吴元年建官以本院為近侍衙門故 公署

無考唐宋制度詔改建于皇城東南宗人府之後詹事 於皇城內學士而下晚朝退即宿其中扁曰詞林其後 公署雖在外而寮屬相聚恒在館問洪武初建翰林院

及是四年至三日 辛巴告成鉛皆賜宴落之今為南京翰林院永樂中行 府居其次洪武二十六年十月與工至二十七年十月 殿門詞林記

立東問前英大學士至入阁中講讀史官皆序立園揖 學士楊溥輩為詩記其事然同察相與每朝畢本院官 在本院官仍在禁內供奉不別立公署正統七年八月 左為史官堂右為講讀堂首領官房在儀門之外之右 正堂三問中段大學士學士侍讀學士侍講學士公座 而東岸則為詹事府馬命中官陳姓者看工瑜年落成 有語復建於京師長安左門外玉河西岸鑾駕庫之右 而退五經博士而下揖于閣外出復序立于史館前亦

火之の事へこう 堂云者漢有玉堂殿待路金馬門近之李肇翰林院志 據臺而坐後以車駕經幸不復如此但存空臺而已玉 言居翰苑者皆謂凌玉清遊紫霄豈止於登瀛洲哉亦 翰林院於金鑾殿之西因曰鑾坡盖随無與所在而遭 糧則盜院視事按唐制翰林院在銀臺之北後復建東 取其便耳正應曰玉堂中設視草臺每草制則具衣冠 圆揖揖 半各書公會乃入館修書待詔諸家日是而出 公署惟履任齊宿始一至岩掌印官查理公移收敌俸 殿問詞林記

岩亭亭之前為土山 樹于堂之南左則劉文定井井之外為蓮池右則柯竹 草用故事也嘉靖戊子始建御製五箴碑于敬一亭亭 之署四字賜之今制雖不盡然私記往往猶曰玉堂視 本院朝房在午門右第六區每候朝則殿閣大學士本 院學士講讀官史官皆在馬詹事府朝房在午門左第 日登玉堂馬然未有榜至宋太宗乃御翰書飛白玉堂 朝房

人口 日本山山 聖祖初建國爰重史事設起居注甲辰年十月以宋漁 魏觀為之日侍左右記言 動及正位後劉李道由明經 左右門外以待漏云 局官皆在馬皷初鳴嚴各詣標達下序坐候皷終嚴而 王獻掌院始奏聞復取內侍之署又有外朝房在長安 入其後本院學士候朝亦在詹事府朝房成化中學士 八區每候朝則詹事少詹事府丞左右春坊官司經 史館 殷問詞林記 ÷

翰林猶從事於記注宣德後寝以廢矣今史館凡十所 筆以從書動以為日歷書言以為寶訓永樂中王直在 幾革之洪武十四年九月已世詔復置起居注秩從七 子杰由舉人任熊龍由考功博士任陳敬由編修任未 在東間之右中藏列聖實録古令書史每被命修書則 後竟廢令本院史官無之每朝則立班記事入館則載 品以儒士單仲祐任馬二十四年詹同猶為起居汪其 任郭傅由翰林應奉任范常由直學士任蔣學問鈍蔣 人にコーニーという 本院印信係銅鑄方二寸四分厚四分五釐九疊篆文 宗舊制所當復也 語録談記矧聖神盛徳大業焜燿如日星胡可無述乎 制诣未舉行夫世之門生故吏於其所尊事者猶編有 本院官日聚集馬成化弘治中臣係累建言欲復起居 注之舊或欲即命史官記時政於其中如宋朝政房之 在洪武時日歷寶訓常勤刪述其舊疏猶有可尋者祖 視象 殿問詞林記 占

子 クロトノニー 蒙文也各衙門印皆用於行移中獨內閣印惟機密文 字鈴封進至嚴座開拆始用之近世說傳此印為司禮 本院公文凡行六部用呈三品衙門用平關應有行移 監所奪甚或形諸章奏歸咎三楊盖不考之過云 淵閣別有印其印銀鑄方一寸七分厚六分其文玉筋 其在南京者則加南京二字詹事府亦銅印方二寸七 分厚六分左右春坊司經局銅印制度俱與本院同文 文移

てく ヨーイニョ 序若非無職而品秩同者先書本院官然後及詹事府 行兵部俱用本院印岩左右二春坊司經局每事或呈 部俸糧則行户部領朝祭牙牌行禮部關皂隸紫薪則 俱由該部轉行其呈關俱有定式見大明會典其他常 本院官與詹事府坊局官多互無職事以品秩尊卑為 務則用手本如官吏職役銓注給授散官熟陷則行吏 行詹事府或徑行不相關白云 序秩 殿 問詞林記 土

等事書職名而言若平居相與則惟序齒 待詔先司諫録事通事舍人盖亦然也此為修書考試 丞中九之上修撰則序于赞善司直之上典籍先清紀 學士侍講學士則序于諭徳之上侍讀侍講則序於府 品級論若候朝入館則學士自為一類講讀史官自為 坊局官如學士則序于春坊大學士及庶子之上侍讀 公朝凡侍坐公燕序坐本院官及詹事府坊局官皆以 會坐

金ケらたとう

欠ける事人なる 慶行有錢倡和縣屬亹亹不厭此詞林盛事也 主門生頗妨起居乃以一科為一類序坐惟以齒不以 尊望重亦與後進相賓主問問侃侃各中其度喜有 類宫坊官僚亦以其類相然天順以前為然厥後座 唯唯而退候事竣軟免首去不敢漫及他其势 陽四今之諸曹百執事各有長屬以法相視事 紀惟館間以道徳文字為事雖師保耆宿 殿閣詞林記

殿閣詞林記卷十				スシアロアノコ
卷十一				卷十一
			-	

欽定四庫全書 殿閣詞林記卷十三

詳校官侍讀臣陳萬青

刑部即中日許北棒覆勘

總校官進士臣緣 校對官編修臣莊通欽 謄録 监生臣楊

琪

灣

てこり 日 ハチラ 沒期詞林記 門精新 居文武第一班之 班行禮畢詣文華 則立御榻之左皆常 黃 庾道南 佐 御三殿皆母 撰

|麦而天下無邦下之情達於上上之情達於下所以為 御石順門儀節亦如之宣德以後上御門早朝退御便 内官設案內閣及本院侍班官俱於案西序立晚朝或 殿景泰中復御午門而晚朝遂廢大學士王鏊論視朝 移下貼御道之東序立本院官則序五丹墀之東第一 殿賜燕宅憂則御西角門如常朝制正統初內閣官始 班御西角門亦如之永樂中午朝御左順門既陞御坐 曰在易泰之象曰上下交而其志同否之象曰上下不

金石区人一

縣絕雖欲言無由言也今欲上下之交莫若復古內朝 **臚舉不如法通政司引奏上特是之命所司知之而已** 章奏批答相關接刑名法度相把持而已非獨沿襲故 謝恩見解惴惴而退未當問一事進一言此無他地勢 謂勤矣然堂陛縣絕威嚴赫爽將軍持鉢臺史糾儀鴻 常亦其地使然也本朝視朝於奉天門未當一日廢可 泰交則泰不交則否如近世止於視朝數刻選相唯諾 いいり目とき 君或不識其臣臣或不得交一言於君上下之間不過 殿閣詞林記

燕朝玉藻云君 日出視朝退適路寝聽政説者以為視 金グロルノニモ 萬國之朝貢則御馬蓋古之朝也其此日太極門其內 路門之外為治朝日視朝在馬路門之内日內朝亦曰 中朝為親也唐皇城之北南三門日承天正旦冬至受 諸吏為中朝丞相以下至六百石為外朝盖外朝為尊 遠近之情漢制大司馬左右前後將軍侍中散騎常侍 朝而見孝臣所以通上下之情聽政而適路寝所以通 之法益周之時有三朝庫門之外為外朝詢大事在馬

常朝別文德殿五日一起居則垂拱殿正旦冬至聖節 火足均多了全生 中朝太微也外朝象天市也內朝象紫微也國朝朔望 害殿引見益亦三朝之遺意馬夫天有三垣天子象之 政殿侍從以下五日一員上殿謂輪對則必入時政利 稱賀則大慶殿賜宴則紫宸殿或集英殿武進士則崇 門其內曰兩儀殿常日聽朝視事益古之內朝也宋時 正旦冬至大朝會則奉天殿即古正朝也常朝則奉天 曰太極殿朔望視朝在馬蓋古之中朝也又北曰兩儀 殿閣詞林記

其等殿筵宴奏事則內朝也而今久不御三殿深嚴人 部諸司以次奏事難決者或從容問之大臣一日次起 積臣思欲於常朝之外於便殿之側做古內朝之法或 臣鮮或窺馬故上下之交絕而不通天下之弊由是而 門即古之治朝也而內朝獨缺聖祖時御華蓋謹身武 見辭咫尺相對略去威嚴上不難於問下不難於對人 居侍從莹諫五日一員上殿輪對或不時召見凡謝恩 三日或五日一御馬外朝或可問歇内朝必以時舉六

とこちことも 九年定學士承旨於六部尚書之上學士在光禄卿之 行幸之處助舊之臣文學之官賜坐者仍加級別編稱 洪武三年七月禮部尚書崔亮奏准凡朝會賜宴文官 陳于前如此則上下之情可通內外之壅蔽可決天下 才賢否政事得失風俗美惡問闊疾苦古今治亂皆軍 之事無不可為矣 三品以上武官四品以上上殿者賜坐墩其退朝無閒 侍宴 . 殿閣詞林記

學士官於是學士非兼三品以上職者乃坐其下正統 若華蓋殿坐於鹿頂外東西向至永樂以後御三殿或 後學士雖五品猶先尚書馬十六年十一月甲寅詔定 以來接見儒臣之日少故侍坐之儀遂廢若郊祀慶成 子监祭酒翰林院官諫官食都御史坐于西角門東向 朝祭官員坐次凡奉天門賜坐六部侍郎應天府尹國 便殿行幸悉賜坐惟弘熙宣徳二朝始以尚書侍郎兼 上侍講學士在侍郎之上時正官列卿先侍郎故也其

等官在六科給事中之上本院帶俸官在太常寺博士 東西稍北而庶士與馬 化四年令修撰等官凡近侍風憲者另列于丹陛下之 東序坐正統三年特命侍講一人升殿列學士之下成 之上詹事府主簿中書舍人在鴻臚寺署丞之上丹墀 大宴羣臣學士陞殿侍坐在文職四品之上本院及詹 ストンタランです 府坊經局宴官在六部侍郎之次中左門侍坐修撰 熊會 殿閣詞林記

官好傍坐公燕之盛盖諸衙門所未有又數日回席比 主東西列坐飲數行即徹去就新任者之席勘酬大率 奎. 其後併在一日同寮先設小席以待新任者序窗 前加威若首甲則狀元出燕錢倍第二第三人謂之聚 士列坐于上新任者坐于前之左講讀坐于前之右史 閣大學士至孔目皆出燕錢置城筵于後堂用樂大學 服謝恩擇日諸公署與同於相見謂之到任本院自內 本院官銓注後吏部題本以到任管事請旨俞允具公

金ノロアノーモ

學士侍讀學士侍講學士侍讀侍講修撰編修陞殿侍 成禮而已然五品官至博士以下不預惟講讀史官在 班洪武二十四年三月辛未詔文武官除分詣文華殿 内閣大學士而下皆送至外公署倘燕席待之諸士亦 馬非舊典也聚奎之庶或久乃舉行云庶吉士入館則 國朝謹身華益奉天三殿百官行叩頭禮畢本院官用 回席然不謂之到任者以非職官故也 殿班

とうりょうしょう

殿閣詞林記

事官行禮禮甫畢即趨出復從殿旁趨入奉天殿內北 鼓初嚴先入循殿旁至華蓋殿前候駕出鴻臚寺奏執 員是日早具朝服履鞋同導駕給事中糾儀御史等官 儀者從儀禮司糾劾東班則六部掌印官本院官及春 冊封始御奉天殿其侍班惟用修撰編修檢討等官四 正統以後惟聖節冬至正旦大朝賀及頌韶進書冊立 坊學士尚寶司西班則五府等官及給事中中書舍人

啓事外凡遇陞殿合用履鞋照依品級侍班有違越失

洪武三年七月己亥禮部尚書往亮奏凡諸儒官於御 殿行禮云 自殿門以次趨出若東宫千秋節及冬至正旦朝賀亦 立即趨至寶座之東西向與中書舍人對立候行禮畢 向立後雙炬自中前導駕至上陸寶座導駕官分東西 用修撰等官二員與春坊司經局官對立侍班於文華 奏事

前奏事或進呈文字退立二三步母朝近御案凡立必

欠いりこう 殿間詞林記

官有事當商略者皆於晚朝陳奏景泰二年今午朝翰 權獨立在旁於是輔弼大臣及近侍官員不得名對亦 憚而事幾不泄成器勿廟堂之美自正統以來王振擅 於東西隅不得直前制曰可永樂四年令六部及近侍 門官輪流向前君臣相與商確政務罄盡所言人懷畏 樂洪熙宣德三朝臨御大班既退即於門上說事各衙 林院先奏事學士周叙嘗上疏曰臣職叨班行伏見永 不敢盡言以致釀成今日之禍宜令羣臣依舊制輪流

久養之大用未晚上日朕御書文劄今道南編纂時日 宗欲用蘇軾典制韓琦以為太早今道南才識俊茂須 多於文華進講後或御無逸殿及太高玄殿曾問輔臣 翰林諸臣奏事退如此之類不一而足今上召問大臣 肝膽而不宣泄於外然竟莫能行今按楊士竒所録曰 向前說事止與數對者令知他人不得預聞庶得吐露 李時口道南欲令同鼎臣教庶吉士何如時對曰宋仁

東こりうしょう!

然他日輔臣薦余光有才上曰余光未必如道南卿何

殿閣詞林記

をうちしんかって 退御便殿有特以事入詣奏者許徑入洪武二十九年 國初信用儒臣謁見無時每出仰奉諸門有奏事常規 執遂唯唯而退 以此對後御成陽宮聖諭口禮部覆道南廟議何乃堅 五月戊寅命詹事府翰林院尚寶司中書舍人六科給 侍官得日至便殿奏事永樂二十二年八月楊上 儀禮司於午門內入者各給牌為驗已而罷之使 便殿 卷十二

所減除者皆歳例上喜曰吾固知學士言有理吾數日 |情新司傳旨賦聚八十萬得無過多雖是歲例然詔書 士來奏事必有理試共聽之士奇言詔下裁兩日今間 東新八十萬供官中香炭之用士奇入将奏之時寒義 四十萬景泰中侍講劉定之抗疏言凡政事有早朝未 來官中事叢脞此是急遽中答之不暇致審即命減除 夏原古奏事未退上望見士奇笑謂蹇夏曰新華益學 新改華蓋殿大學士謝恩畢聞惜新司奏准北京山東

こうしょう 手口

殿閣詞林記

進入擬旨批出臣恐偏聽生奸獨任成亂治化無由時 遵而行之則剖決萬幾日益以熟審察百官日益以明 間詢謀互相可否以求至當此前代故事祖宗成法也 察其邪正而加糾彈史官書其言動以示懲勘君臣之 侍從者有所擬議欲修播告則翰林院官承旨草制中 聖政益新天命益隆矣若乃仍如前日無事但以奏本 及決者宜日御便殿使近臣侍於側大臣奏於前言官 雍也疏上不省今按聖祖時出入禁御以至臨朝侍臣

書舎 **輩曾有內直倡和詩曾桑東華門內新館初成入直有** 洪武水樂洪熙宣德四朝近侍官輪班入直若本院官 抗聲於御前執奏謂之對仗彈劾云 有儉邪在側或事當祭駁則六科給事中十三道御史 則日在館閣吳況劉三吾胡廣楊士奇胡儼王英王直 ス・りうしま! 云東華樓觀鬱岩葬馬陽新成抗碧霄秘府圖書 八當御謄寫謂之副墨尚實官用實即時發行若 入直 殿閣詞林記 金

尚書蹇義夏原吉學士楊榮楊士奇侍讀王直侍講王 或命假寐至達旦始出成祖出狩崩于榆木川仁宗命 **善臨幸館閣故也不獨宣召熊對與供奉文字而已** 作廣御溝流水玉為橋草分碧色承殷輅鳥弄歌聲和 洪武三年剖符封功名命學士宋濂議五等封爵宿本 舜韶當直幾番清坐久隔簾時有御香飄益當時車焦 本堂討論達旦永樂中內閣七人者常召至燕寢論事 宿直

英同定大喪禮議國政宿內閣者凡七日今上御西苑 遊觀禁苑凡亭樓臺閣雅不登眺以通上下之情成地 聖祖製大語首以君臣同遊為言故當時儒臣每侍上 仁壽官命內閣大學士入宿延和門內直房 侍迎

東定四事全事 殿閣詞林記

民之疾苦實盛德也洪武六年正月两千上御武樓召

日國以民為本民以食為天陛下知稼穑之艱難念生

天交也學士宋漁當侍遊後苑觀粮上曰農事成矣對

終紗囊上飲一爵而分賜寧與瀌馬且曰此天地至和 凡頓首而退賦甘露漿詩以修其榮濂所陳說不為隱 所凝也卿等服之去沈疴享遐齡矣寧等飲畢真爵於 為一上取朽傾瀉二內侍舉幕於之渣滓已靜重漉以 水勢成濤上起自龍帳中親啓覺以投須更融化與水 圓世所未覩已而舁爨器至用金杓煉水二升火既勻 之應動中使人取所儲膏露於宫中盛以翠覺玉潔珠 御史中丞陳寧太子赞善大夫宋漁賜坐左右談嘉祥

為歌詩以紀之宣宗時宸遊尤多宣德七年七月上登 朕令人視之果如卿言卿信不欺我久益厚之每燕見 蔽當口君猶父也天日其可與邪一日上問曰卿昨飲 萬歲山坐廣寒殿召翰林儒臣侍命周覧都畿山川形 駕幸東西二苑登萬歲侍宴廣寒殿泛太液以為常多 必命坐賜茶每旦令侍膳詢訪舊章講求治道或至夜 分乃退永樂中學士解縉胡廣等七人每令節燕閒陪 酒座客為誰饌為何物源悉以其實對上笑曰卿飲時

欠り日本

殿閣詞林記

+=

里闢四門繚以崇墉中有水泉三處獐鹿雉鬼育其中 **吕原扈駕校獵南海子海子距城南二十里方百六十** 諸大臣同遊天順三年十月十日內閣學士字賢彭時 遊太液池上親射是獲之命以羞侍臣英宗復降始命 者也豈不可感侍臣叩首曰紂之荒周之監也又嘗召 勢即畢上諭以元與之故曰兹山兹宇順帝所日宴遊 籍海戸千餘家守視每雅海戸合圍縱騎士於中亦所 以訓武也是日扈從官皆蒙頒賜獐鹿雉兔而内閣比

矣因頓首曰願皇上歌南風之詩以解民慍幸甚上起 曲今不暇矣所傳曲調得於太監字永昌經事先朝精 於琴是三人者皆不及也賢等對曰由此不輟亦可精 鼓琴上口琴音和平足以養性情異在南宫自撫 諸人差厚云四年四月六日辰刻上御南薰殿召尚書 西苑閱武臣騎射召賢五人侍是日所閱告侯伯都督 王翱李賢馬印學士彭時吕原五人入侍命内侍三人 入賜廂鶴頂博帶舉授五人者皆叩頭謝二十日上御

人こりら とふう

殿閣詞林記

+=

年四月十三日上御環碧殿試演馬歌曰朱夏纔入四 常觀君臣之際上貴致其禮下貴盡其誠若私昵媒象 試畢賜鈔有差總兵暨賢五人各賜鈔十二月閱御監 **添連光景殆非聖祖所謂同遊之初意也已嘉靖十二** 勇士騎射亦如之自是將士咸感德畏威知所奮勵云 都指揮指揮緑三營把總管操者總兵官會昌侯孫繼 祖廣寧侯劉安懷寧伯孫銓都督趙輔具名籍進呈令 一見射箭以三箭為率上親按籍記中否比中 例

とこう時にあっ 繼祖烈庶幾政化維日新 飲親御翰墨賦冬日詩諸臣皆和馬六年開局禁中修 洪武二年十 勿我棄早為霖兮羹作梅啓心務期沃朕心俾令湯孫 跳澗或峥嵘爰因演步至環碧命諸左右來輔弼同遊 同遊兮祖訓昭赞襄赞襄兮須竭力胀非商島宗諸輔 月中垂閒試馬出深宫惟兹七馬壯且雄登霄未可擬 燕和 一月上御外朝召學士宋濂危素詹同等 殿開詞林記 十四

書監生黃昶在館同愛其有俊才賦詩贈之字大如学 詩卿當為朕書之源於是受命書馬同詩不過稱程才 除酲猶未解上謂之口卿醉猶未醒邪同對曰在史館 大明日歷十一月十五日御史中丞誠意伯劉基伯學 少選奉御傅宣召源等赴石順門會上適来輦而坐同 士宋源詹同侍上熊乾清宫之便閣同被酒而還時善 史館中上顧源函取之既上奏上笑謂源曰朕即和同 猶能賦詩贈黃秀才謂**昶也上曰詩何在同對日在**

於禮度無以上承寵光爾上日卿姑試之源即席而飲 慈賜以醇醪敢不如韶第臣年東邁恐志不懈氣或愆 |行傷上顧源日卿何不盡飲源出跟奏日臣荷陛下聖 復加品評於其間已而賜坐勅大官進天厨奇珍內臣 進源率同列撰成俱于東黃閣次第投獻上旨親覽馬 道乃更為之賦成召學士宋源等觀之且令各撰賦以 為詞垣威事八月甲午上觀水有上秋水賦者言不契 美而御製詩則并及君臣熊飲之故濂歸與祖言之以

大い口言人言

殿閣詞林記


嘆日男子何不慷慨為對曰天威咫尺間不敢重有所 章源既醉下筆傾歌字不成行南級五韻上遽召至前 **宣解醉人乎卒飲之源舉傷至口端又復瑟縮者三上** 命編修朱右重書以遺濂遂諭曰卿藏之以示子孫非 醉歌二奉御捧黃綾条進上揮翰如飛須與成楚解 飘若行浮雲中上復嘆口卿宜自述一詩朕亦為卿賦 **漬勉强**一 將徹上復顧曰卿宜更職一傷源再起固辭上曰 吸至盡上大悦頭源顏面變顏頓覺精神霞 觴

惟見朕寵愛卿亦可見一時君臣道合共樂太平之盛 上御製詩一章賜尚書胡淡寒義大學士楊士奇楊榮 上悅命易以銀爵既醉上出御製詩傅屬之宣德六年 酌以御風時勉頓首解口臣可與陛下同飲不敢同器 安得飲此酒時勉頓首謝他日侍遊東苑上賜時勉酒 用之一日幸文淵閣賜諸學士飲呼時勉謂曰卿非朕 學士歌云宣宗尤喜為詩初即位起學士李時勉而任 也源行五拜禮叩頭以謝上更勃給事中宋善等賦醉

Carred Carred

殿閣詞林記

十六



待呼召徑詣入見以承顧問然同列彭時日原恆不得 明君常與大臣相接若接賢士大夫之時多親宦官官 以文武大臣未曾接言上下之情如何得通賢日自古 與馬上嘗謂景泰不理政務或用人陞官謝恩不知所 嗣位此禮遂廢惟有大事則傳奉召之問對一二語遠 祖宗以來凡無閒執政大臣左右近侍時常召見英宗 日與學士李賢議之凡便殿入奏舊規每朝退獨進不 出景泰中大臣專擅英宗復辟始知其由乃親決章奏

文 写事人書

殿閣詞林記

妄之時少天下何患不治上口如此天下豈不治安又 是直扣御榻司禮監取本皆環跪於案側上曰看文書 臣東陽臣遷亟具衣冠至文華殿叩頭畢上口近前於 泰馳至閣亟呼曰宣四先生叩其故曰不知臣溥臣健 問之類每用本票揭帖大則具題本雖日積月累往往 朝祭復命經筵日講之外罕接天顏凡有擬奏陳説答 李東陽日東陽自己卯承乏內閣時孝廟臨朝淵默自 不能盡弘治十年三月二十二日朝食前忽遣太監章

茶出文華殿尚膳監捧茶以俟益時出急召未有宿辨 行事不過該衙門知道耳乃皆叩頭退上頭左右日典 **覽 畢親批本面或更定二三字或刪去一二句皆應手** 臣東陽臣遷批解以次陳奏得允乃録於纸上以進上 溥等看畢相與議定又分置朱砚朱筆授片紙數幅於 也自是平基媛閣稍稍召對并及部院大臣詢其政務 疾書宸翰清逸畧無凝滞上揮餘本謂左右曰此皆常 諸中官取本付臣溥等各一本上口與先生輩計較臣

375.10 mm 0.1.10

及開詞休記

若欲復祖宗之舊者及孝肅太皇太后之喪議禮考文 受亦不能悉記 久或移唇多或連日謅然若家人父子上既明習國事 金少四たノニー 天語嚴密議論層出或累數十句臣下雖承歡造膝欲 二語至無間可入或不竟其辭而退退而尋繹的 卷十二

編修楊士奇始入內閣每數對望見天威猶有懼色成

祖召而慰之曰朕知爾文學親擢于此爾但盡心勿自

召慰

者曰唐太宗用王魏朕用商輅有何不可欲加譴調輅 奏言臣曾勸陛下優容言官已荷嘉納如修撰羅倫董 輅遂求退憲宗謂曰朕用卿不可欲加人言至詰責言 用心辨事成化四年彗星見言官劾內閣大臣商輅等 謂曰朕在南宫知爾二人無偏向心如今正要用爾宜 疑畏英廟既復位御文華殿召大學士高穀學士商輅

股閣詞林記

十九

復請召用今因論臣而交責之如公論何上以為然乃

金としたノニ 殿閣詞林記卷十

聖祖當出御製詩文以示詞臣太子正字桂彦良即大 欽定四庫全書 殿閣詞林記卷十三 宸翰 明 廖道南 黄 佐 撰

灰三日十年等一

使彦良指摘彦良受命盡言洪武二十年二月甲辰御

殿開詞林記

謂曰儒者事君正當誠意母事矯揉也又當出御製物

聲誦之張然左右驚愕學士承旨詹同私戒之上聞之

武王猶自謙曰五帝之道我未能馬朕每為惕然遂疏 夕觀覽乃自為註至是成召對善劉三吾曰朕觀洪範 閱內庫書畫得元趙孟頫所繪豳風圖因賦長詩一章 其旨朝夕省覽三吾對曰陛下留心是書上明聖道下 叙四時成百穀本於天道驗於人事箕子為武王陳之 註尚書洪範成先是命儒臣書洪範揭于兩無座右朝 福生民為萬世開太平者也宣德七年七月宣宗燕聞 篇帝王為治之要道也所以叙奏倫立皇極保萬民 卷干

等對回聖諭皆當真得古人精藴上回朕在宫中雖寒 文示之且諭之日所論或未當卿等當直言勿隱士奇 御文華殿召少傅楊士奇等出都書洪範篇及御製序 暑不廢書冊士奇等對日帝王勤學問則宗社生民有 目有所做勵爾其書于圖之右九年十二月宣宗退朝 皆當鑑此朕愛斯圖為賦詩欲揭於便殿之壁朝夕在 與民情早晚之宜以告成王使知稼穑艱難萬世人君 召翰林詞臣示之曰豳詩周公陳后稷公劉王業之由

少定习事全事----殿閣詞林記


外之東建殿亭一區殿曰無逸亭名豳風圍以小厦垣 者也夫勞者人之所共惡逸者人之所同好故周公以 建帝社稷壇以祀帝社帝稷每歲春告秋報行禮宫門 以舉農事上吉擇皇祖文皇帝舊官之迎和門內之南 是告戒成王者也朕於今年春因命西苑隙地耕耨艺 于西苑無逸殿壁叙曰無逸殿之所作者寓戒逸之意 不為忤嘉靖十年九月十五日今上命書周公無逸篇 賴矣惟願陛下始終此心上笑曰卿等亦常須直言朕

此意庶知以勞而多與逸而速亡知農事之艱難民命 末左書局公之書無逸篇北書朕之所作題鑑風圖詩 省斂之所工起於春三月之十六日記於九月之十五 牆迎和門外之南作一亭口省耕以倘朕時省之小想 たりうとあり 為之也于以思皇者之聖訓俾不至失忘後世以體朕 告成朕親為此記以示將來夫斯作也非朕所偽飾而 日殿中壁奉刻我皇考睿製農家忙律附以朕所記于 於此又於北之空地起倉服一座口恒裕前為一亭日 殿閣詞林記 .

之場放恣於酒色之地以為嬉娱恬快而無所勞困殊 自通人之常性孰不欲高枕晏卧於終日遊情於聲樂 無逸之義而申說之夫逸者人若之大戒也何謂安逸 爾又曰殿之作與夫工之始末已載于左朕於是復以 禄百需之所賴皆在此務勤勵己勘示於民億載之休 之所緊國本之所属上至郊廟深風之所供下及於官 不知守湯其性者以此解墮其志者以此戕身伐命者 水安磐石之固未必非為政之要務者故記之垂後云

官生内長者安可不思祖宗創造之艱而既於逸豫事 亭夫公之意以稼穑之艱難與小人之依告于王意益 特以務先自勵而風天下以及置鱗室于迎和門內之 亦以使首先以農桑為重王業之基實在乎此朕罔知 謂璧農家後生不知祖父之勤而以逸失之況人君之 以此為大防故取周公之無逸一書七月一詩揭于殿 倫服俗皆自逸肆中來故口晏安如鳩毒朕雖沖弱母 以此危家亡國者率以此至於失禮喪義悖親違君傷

次定四事全事--殿間詞林記



書國朝兩制悉歸本院非鴻儒歷顯秩者不得掌而以 虚日安等曾擬撰語命千餘首以待而猶不足乃使諸 翰林院官承制草詔及文武官除授合用語命初命皆 即日撰寫故學士陶安宋濂輩皆曰制語于時封拜無 旋即得遷其後試博學宏辭科者始獲任用然屬之中 分掌制勅諭語兩制宋始有知制誥之名然初入院者 翰林職代王言唐以應奉文字待詔北門與中書舍人 書主謄寫具元年十二月乙丑上命開讀詔赦前期

火ニョューラー

殿閣詞林記

内閣如永樂時弘治七年復設以學士年深或尚書侍 話用洪武時故事也仁宗始命內閣專典內制而擇學 授所領語物皆革去於是其務稍省矣永樂初內閣七 两制口冊文表本青詞密詞祝文齊文詔書批答口宣 人掌內外兩制楊榮金幼孜諸人自署職街亦曰知制 儒士在館者分局代為之其後定一考封贈之制初除 郎兼者為之亦得以知制語自署兩制遂稍分矣按宋 一人專管文官語勃正統以後罷之文官語勅皆屬

次二四ラノをラ 一 殿閣詞林記 世孫及妃鎮國等將軍喪葬祭文諡冊塘誌諭祭文及 陵文皇太子親王等冠解祝解親征碼祭旗纛露布巡 武百官遷擢致任加恩等語動外制也若國朝內制則 内制也口皇后皇妃追封先代皇女皇族冊封進封文 文大喪及皇如贈諡等冊文親王妃公主郡王妃世子 狩所至祭山川旗纛軷祭文驃騎祭馬神等及五祀祭 受冊質謁謝文皇后受冊寶謁告文皇妃受冊祭文祭 制物詔旨語命冊表實文郊祀祭文享廟祭文皇太后

請既得旨移文本院依奏草勒內閣即時擬撰文官語 文武大臣諭祭文經筵講章及題奏揭帖之屬外制則 臣擇唐宋名儒表箋可為法者遂以韓愈賀雨表柳宗 洪武六年九月庚戌詔禁四六文辭先是上命翰林儒 王府諡冊等文禮部抄出施行原稿具繳納云 勃之類亦然進稿畢編類勘合中書舍人領出書寫其 文官語動而已凡五府六部等衙門請勅行事備詞奏 表箋

之解務從簡古以革弊習爾中書省宜播告中外臣民 未能近時若詔誥章表之類仍蹈舊習朕嘗厭其雕琢 麗綺靡而古法蕩然矣唐宋名儒輩出雖欲變之而卒 為千萬世法漢魏之間猶為近古晉宋時文體日東縣 式諭屋臣口唐虞三代典謨訓語之解質實不華誠可 凡表箋奏疏母用四六對偶悉從典雅十二年六月子 元代柳公綽謝表進上命中書省臣録二表頒為天下 殊異古體且使事實為浮文所蔽其自今凡語諭臣下

というします

殿閣詞林記

箋成式頒于天下諸司令如式録進自是詞垣東筆者 年八月上以天下諸司所追表箋多務奇巧豔浮心甚 呈稿東宫命尚書蹇義持以示士奇曰甚寂寥且不著 |瑞行在禮部行南京慶賀自皇太子監國下及五府六 多用散文如宋濂進大明律表是也成祖時有白鵲之 厭之乃命學士劉三吾右特善王俊華撰慶賀謝恩表 中命翰林院定皇太子與諸王往復書箋之式二十九 部例各進表時楊士奇以病在告監國表命庶子贊喜

喜曰此方是帝王家白鵲適內使陳昻進御饌撤以賜 常之賜亦具謝表朝廷有大喜慶及諸祥瑞具賀表進 封謝恩始用之車駕幸館閣及太學初開經筵及有非 陳謝其後惟狀元率諸進士謝恩衍聖公及公侯伯襲 之且傳旨使勉進樂食早相見也按國初陞除猶具表 於帝舜之庭如玉其輝昌萬在文王之囿義以進仁宗 門而送喜馴彤陛以有儀後增一聨云與鳳同類蹌蹌 題以賀白龜白鹿皆可因命改之士奇及一聯云望金 人でうしたいう 殿閣詞林記

禮及上微號等項合用慶賀表箋南京禮部行南京翰 一百而已丙午年六月早上禱雨鍾山獲應賦七言喜雨 然祖宗時皆出於面命或相與屬和其後惟中官傳諭 呈實録及書籍等皆具進呈表例本院詞臣司之若有 林院撰進 東宮則增一箋云會典凡南京各衙門遇朝廷冊立大 本院以供奉文字為職凡被命有所述作則謂之應制 應制

武八年五月丁丑上御端門召翰林詞臣出示巨桃半 赞司直郎汪仲魯被命製續薰風南來諸曲皆稱旨洪 火ンフラーチョー |為無疵祖訓成學士宋濂被命序其後精誠録成則命 諸儒武以鍾山蟠龍賦時與文學之臣於飲屬和語在 臣應制賦詩上親加評品洪武元年十一月召大本堂 詩命待制黃哲等屬和巴西諸將告捷多令翰林諸儒 賡歌卷大語三編成命學士劉三吾為序既成上評以 大學士具沈序之太子正字桂彦良入見上命製香几 殿間詞林記

實口卿可謂善諫矣十年十月造觀心亭上臨觀親幸 接筆立就詞語峻潔上嘉其才敏賜織金錦衣當幸清 其中召濂為記十二月上制十題命典籍吳伯宗賦之 命宋源詠鷹源七舉足而成有自古戒禽荒之言上 母賜漢武桃及宣和殿十字命宋濂撰蟠桃核賦又曾 流關賦詩命扈從儒臣和之起居注劉季道有治定不 核蓋元内庫所藏物其長五寸廣四寸七分有刻西王 教生縱逸功成猶遣歷問關之句上軟賞曰可謂安不

獎勵命進學禁林云十五年學士宋訥撰宣聖廟碑稱 |士承旨危素承命撰文尋以多潤飾乃出御製一篇閱 旨改文淵閣大學士先是二年二月乙亥立皇陵碑學 冠以三百言序驥與黃昶先成跟讀御楊前上聽畢加 日將南至大祀於園丘上復命羣臣賦七言律十二韻 府伴讀王驥操觚立就學士宋濂為之進呈上稱善及 立成上大悦時寵賜和章一日命羣儒撰縱奏鶴文具 忘危賜以白金文綺又起居注蔣子杰應命即物賦詠

The Older Light

殿閣詞林記

+

在獻頌偶蒙天一咲行看作樂者功成可謂同游矣永 武將資三條在推誠倉龍挾雨迎車騎彩鳳穿雲送布 樂八年成祖北征至野孙嶺召學士胡廣賦平蠻詩楊 社魏魏崎泰山會見凌煙高百尺宸光常炳畫圖問又 麗九好來象輅雲連千騎擁龍關神功烈烈銘周鼎宗 魏觀賦詩觀云乾坤喜氣溢天顏大將中原奏凱還日 江樓成宋源被命撰文稱旨初徐達還上御龍江亭命 云白旄黄鉞兩京平廿雨和風四海清師出萬全非用

幾謀知敢師布尼雅實理與其下阿鳴台雙殺東西奔通 The first of the state of 足命口神應泉又明日應制撰神應泉詩銘上嘉之各 有泉湧出清澈可愛命廣與紫往觀遣中宮以銀瓶汲 水皆苦願不可飲人馬俱渴明日營西北二三里許忽 乎紫下馬叩首謝上喜命賜羊酒三月乙未次清水源 乃召榮諭曰此贼果自殘滅汝前日之詩安知不為讖 祭口聖主尊居四海安天教仇敵自相殘上甚嘉之木 取上親當之味甚甘美賜廣等飲記士馬爭趨之皆給 殿閣詞林記

京師八景以獻曰瓊島春雲曰大液晴波曰西山霽雪 賦詩是時太平無事上留意詞藝翰林儒臣常常命賦 最先成為上所褒美宣德中每遇今節各令詞臣應制 賜上尊义皆命諸文學侍從賦天馬海青歌修撰曾祭 化初學士劉定之應制賦元夕詩絕句百首頃刻而成 馬景泰中學士們謙輩應制賦詩中官書立候以進成 居庸疊翠英宗增其二日南苑秋風東郊時雨為十景 日玉泉垂虹曰盧溝曉月曰薊門煙樹曰金臺夕照日

嘉靖八年正月元夕臣道南應制撰燈詞十五首以進 養志自慈宫珠佩軒車從霞鶴祝頌同干秋還萬歲物 上親製一章云黃道開達殿青陽溢泰穹賞心總令節 七言律詩一章曰敬天曰法祖曰勤政曰務學曰任賢 士字東陽等各撰詩十首用寓啓沃東陽擬十題各撰 **詠之弘治初上注意講學遣太監戴義傅示聖意命學** 又嘗以東風解凍春山雪霽等為題命翰林學士等分 口納諫曰節用曰愛民曰恤刑曰講武蓋美不忘規馬

1.7.10m , Yu-10

殿閣詞林記

金げロデル 有差十五年三月上謁諸陵撰汎舟賦命同游諸臣和 進詩十年演馬環碧殿御製歌詞賜同游諸臣和之十 阜與民豐九年七月敬一事成上復命儒臣落成錫宴 洪武中有大政令詞臣録聖語不敢增損故凡詔令多 凡代言先具葉進呈御覽允而後行諸播告兩制皆然 三年臣自徽州賜環上親灑鍾粹官詞命和之賜金綺 視草 177

於士奇曰請以有字易自字如何士奇曰善即以告於 **衆皆曰義無相遠不足易且上既善之矣士竒獨以聞** 之頒下又曰試與諸尚書觀之皆稱善獨兵部劉儁私 士奇視草上覽之再三喜曰簡當更勿改易其擇日書 誤事他日編入實錄却用文六年冬巡狩北京詔書命 曰武臣邊將不諳文理只用直言俗說使之通曉庶不 為之漸至駢麗永樂二年楊士奇等進呈物邊將蒙上 你每好生等字者皆聖祖所面授也其後始令本院官

SIND TO TO TO

及劉詞林記

金少巴人 效助益遂命內侍具楮筆上口免灾傷稅糧當是首事 **緣邊將士宣德五年二月上御南濟宫召楊士奇諭曰** 邊將士晝夜嚴警殆不可勝遂命書物遣使以鈔幣賜 善難得二十二年十月仁宗御西角門視朝龍時風寒 用偽言上碩士奇曰從汝明日諭胡廣曰楊士竒能服 請易之黃淮於上前執不足易士奇口於國家大體當 吾欲下寬恤之令今獨與爾商之然吾未能悉知爾當 顧謂翰林臣曰朕與卿等居重城中猶覺凜凜如此守 卷十三

之人私役南方運糧甚艱而名廩無關防姦人盜竊動 租額旨重蘇州尤甚細民至於逃徙部符下郡縣 採辦買辦之物所司責價甚急各處官田起科不一 所當寬恤者殆非此兩事因言百姓積年負欠薪勞及 艱難部官坐視不言對曰陛下聖念及此生民之幸然 匠之弊四方遠近每戶不聞幾丁悉徵在京多為所管 派徵非出産處百姓數十倍價買納刑獄冤濫者多工 聞民間虧欠畜馬驢贏所司追償甚迫民計無出亦甚 段制詞体記 古四

等數事且口臣一人見聞不廣願更得一人同論此事 薄用潤筆耳七年二月上召士奇至文華殿諭曰五年 賜鈔三千緡文綺二端及羊酒士竒叩首受賜上笑曰 上口若多令人知即動諭未下事已徧播於外矣曰大 頒行遂令尚饍賜饌勅諭既下上聞衆心悅戴召士奇 可恤者乎士竒復言戶部沮格官田減租及課程選舉 辄数萬若此者請有以處之上以為然即令草敕明旦 二月與爾南濟官論寬恤事今兩閱歲矣民事不又有

金りにたノニモニ

卷十三

陳弊政詞極切直天下傳之有飛語指為誘訓七月內 淵皆被禍天順初承天門災上下詔躬責岳正視草歷 為也獨石關報捷詔獎之循視草乃反熊青厥後與文 謂人曰詔語天佑下民作之君父有天下傳之子吾所 循等陰主其事詔既下視草實出循吏部尚書何文淵 進來於是退同淡議增十數事通録進呈上悦至書添 臣中固有謹厚者上曰胡淡謹厚汝與之密議就録稿 下凡此類皆君臣同心之故也景泰末易储大學士陳

人・コーノンコ

殿閣詞林記

金ラピんと言 批降正為廣東欽州同知繇是言之視草固非易事也 褒荅

因進口易固為卜筮作然文王周公所繋辭凡脩齊治 治要策凡十二事上嘉納之永樂七年侍講楊士奇撰 周易直指仁宗在東宫凡決疑必用著而以易斷士竒 洪武十五年二月太子正字桂彦艮入朝獻萬世太平

名曰周易大義賜士奇繡衣銀帶先是徐好古作尚書

アステラストをラー 百銀二十两約絲二表裏性濟禮部尚書乃若進呈歌 問之博卿不如濂才思之雄源不如卿洪武二年十月 纂大學仍義補書成適孝宗登極表上之上批答有曰 甲戌膏露降於乾清官後苑松樹宋濂獻膏露頌三年 江西頌聖祖曰吾固知浙東有二儒者卿與宋濂耳學 頌詩賦在國初學士宋濂進平江漢頌待制王禕進平 卿所纂書考據精詳論述該博有碑政治朕甚嘉之賜 直指金幻致作春秋直指各有發明成化末學士邱濟 殿閣詞林記

學士劉三吾進嘉禾賦永樂二年八月周王畋于釣州 奉之以獻宋濂進嘉瓜頌二十九年天下多嘉禾之瑞 异平基又進平西蜀頌上為文答馬五年六月句容縣 講楊榮進頌已而奏甘露屢降嘉禾呈瑞外國獻麒麟 獲騶虞九月丁未王獻于闕下侍讀梁潛進騶虞詩侍 民張觀園生嘉瓜雙實同蒂圓如合璧禮部尚書陶凱 五月戊申祀地祇于方丘基復進方丘頌四年八月明 四月陕西寶雞縣進瑞麥弘文館學士劉基進瑞麥頌 禮仰葬倫堂賜祭酒胡儼司業張智坐講文武三品以 **承之瑞縉獻嘉禾頌四年二月視學上服皮弁行四拜** 勒于石裝治成軸分賜諸王及學士解爲等又適有嘉 獻聖祖親御宸翰賦長詩一章以賜上念手澤之存摹 北平永清衛之龍門有禾異莖同穗上在潛邱遣使馳 嘉禾詩于諸王及近臣先是洪武二十八年九月庚戌 幼孜梁潛等咸為詩歌以進三年九月朔須聖祖仰書 白雉玄兔白鹿白象靈犀白兔之屬紫與學士胡廣金

えんしつら 人から

殿開詞林記

ナと

鏡歌鼓吹詞十二年六月親征衛刺特 薩里奇爾又北之 年正月禮部郎中周韵請封禪大臣有陰主之者於是 视學詩一時詞林諸臣咸和之八年五月己卯上北征 上及翰林儒臣皆坐坐以聽賜畢賜答明日儼等率師 金グログニー 于圖喇河八月駕還庶子鄉緝獻清邊頌十七年十 布尼雅實理於至溟河七月壬午駕還士奇獻平邊領及 生上表謝賜資有差大燕羣臣於奉天門學士胡廣進 月甘露降于孝陵松栢學士王直獻瑞應甘露詩十八

去嘉靖十三年十一月肇祀皇天于園丘今上親製大 報曰朕肅懷大報作此數字以見意耳不顧是否乃與 凱還進平邊詩凡十篇各立題命意上覽之喜屢沐白 令節被召宴遊亦多以詩謝思自正統後此事寝不聞 金鈔幣之賜自是每同遊祭與楊士奇等多以詩進遇 見大學士楊榮獻頌上褒賞之三年九月榮扈從北征 學士胡廣獻却封禪領上遂止宣德二年三月關虞復 卿等及言鼎臣道南又并三分獻二禮官或一看卿等

Children Little

殿门詞外記

和四章上褒答日爾所行和歌奏進留覽嗣是甘露降 東匪直慎始兮思惟厥終語右左丞弼兮其盡啓沃以 稱分慚無學以出其治源爰肇復泰種分兹當四舉愚 愧縣才愚資兮懼無以上副恩隆思欲康此民以圖報 報之叩蒼穹脵以微薄菲質兮荷洪眷下及而主兆庶 各盡所以對佐戒進文辭以和來御製大報歌云歲次 甲午兮陽月之八日新冬肅羣臣而朝趨泰擅兮欽大 匡佐期世道躋于熙皡兮庶或仰承乎眷崇臣道南恭

時口此是道南所上圜丘賦卿可詳著來聞方澤成臣 鹿臣進白鹿賦聖駕幸大學賜學士列坐聽講臣進里 撫臣宋滄進白鬼臣進白鬼賦監福建撫臣汪鋐進白 てこりま とう 進大祭方澤頌及帝王廟成臣進景德崇聖頌九廟初 主臨雕頌園丘成臣進大祀園丘賦上諭內閣輔臣字 臣進瑞應河清賦河南鄭府進白鵲臣進白鵲頌四川 祈雪有應臣進瑞應靈雪賦及黃河清于陝州之靈寶 于顯陵松林山賜臣道南一瞿進瑞應膏露頌泰神殿 是問司木已

金は、ロエイノニート 史館纂入己亥三月大狩龍飛臣進聖主南巡江漢賦 建臣進列聖禋頌上咸褒答云覽奏具見忠意賦頌著 及景雲鎖四篇上命行在禮部送史館聖駕旋京汎舟 殿閣詞林記卷十三 詩云紫殿四頭勝縣舒晨輝朝彩映美渠波光 郵魚觸目傷心住景處莫伸昔日奉慈妈 **。鏡色飛浮十里餘蓮紅的的明素鷺塔**